

南宮縣志卷二

鹽山賈恩紱編輯

疆域志

古蹟篇

黃河故道○禹河逕南宮東境其道不外漳絳故瀆已詳經  
界篇願言山川則重在輿地言古蹟則重在掌故大河爲  
經典要刪尤不可以不詳也蓋此邦爲泲水所匯北過泲  
水一語爲此方不刊之典漳絳三支以東南支爲最有依

據

詳經界篇

知禹河正流本在縣之東境者卽就此道以定其

方位沿革篇中所謂兗冀之交者亦以此也其明載逕過  
繚城南宮於水經注者則又河徙以後及漢代決河之變

爲屯氏張甲諸名之碣據也

詳下

是後徵諸歷史河道仍回

南宮者則以宋史河渠志爲最著據河渠志云元祐四年

都水監奏言前年

當是元祐二年

河決南宮下埽去年

當是三年

復決

上埽今年決宗城中埽蓋自慶曆八年河決商胡之後大

流分東流北流東流自篤馬河入海北流自宗城混入漳

水自今天津入海元祐時河臣主開東流歷言連年河決

南宮者以見北流之未嘗無患也東北二流迭爲開閉以

迄金代行此道者一百四十六年北流先行漳瀆至乾甯

軍

今青縣

仍入永濟渠而南宮之河道仍卽漳絳之東南支

也

屯別左瀆及張甲河故道○漢以前大河北徙及諸決口其

變遷皆在中塗大伾以東泲水以北無甚變易也變易大

端非東合清河卽西混漳水水經注云屯氏別河故瀆

卽左

瀆北逕信成縣張甲河出焉地理志張甲河首受屯氏別

河于信成縣者也張甲河故瀆北絕清河于廣宗縣分爲

二瀆左瀆逕廣宗故城西又北逕建始故城東

卽今威縣之古城村

南宮城西

又北逕經城東

今威縣北境之經鎮

繚城西又逕南宮縣

西北注絳瀆光緒志以酈注有南宮西北字遂謂屯氏張

甲在縣西北今不可考說皆未安蓋首受于信成縣北而

信成故城卽在縣東南境上而繚城亦在縣東南三十餘

里所謂絳瀆者除所謂東南支外更無可容大河之巨川

卽上下文以定南宮方位西字當是東字之誤否則於地

勢文義皆有不合也胡氏渭禹貢圖於張甲之左右二瀆  
下遊皆遠出南宮之東由絳瀆以合清河若西北流則更  
不能合清河矣

古水潭○在漢城之北漳絳三支本皆枯渠徒以縣無通川  
鄉民卽藉洩瀝水此潭上通中支潦水所歸先匯此潭更  
溢則北入冀縣之海子嘉靖志云潭廣數里居人泛舟網  
魚當時頗爲深廣矣明成化十四年漳瀆溢潭不能容城  
圯于水乃遷今治城南古隄土人夷爲平地護城無資遂  
罹此患

通利渠○光緒志云在縣西五十九里唐延載元年開以溉  
田今廢按縣治正西不足五十里惟西北界稍遠所謂西

八村也西北境水渠故道卽前所載之漳絳西北支大氏  
南宮距近諸縣漳絳外別無它渠開渠溉田殆當時假用  
漳河故道以興利因以通利名之耳光緒志又云小河渠  
二在縣東見一統志及畿輔志今廢

以上河渠

南宮漢縣○在今縣西北三里自漢迄明皆治此城呂后元  
年封張敖子偃爲南宮侯知南宮之置必始高帝也更始  
時光武徇河北馳至河北遇大風雨帝入道旁空舍馮異  
抱薪鄧禹爇火帝對竈燎衣卽此地也晉北齊宋皆嘗省  
而後又復置語詳沿革篇嘉靖萬厯志皆謂成化十四年  
城圯于漳水十六年遷於今治土人掘土丈餘輒得磁器

金珠及鼎盃條脫之屬弘治後發掘始盡攷古者謂其器象多侯王所御之物豈張偃之所遺乎

漢縣繚城○在今縣東南二十三里漢縣多小於今縣南宮繚城二縣全境皆入今境之內繚城自省於東漢之後未

嘗復置其見諸地志者惟水經注漳水篇謂絳瀆逕南宮

城北又東南逕繚城縣故城北十三州志云經縣東五十

里有繚城故縣也經縣卽今威縣北之經鎮堡

北魏所置漢縣尙在

此更東五十里則在南宮城東南二十里餘寰宇記作二

十六里故城猶存舊志俱不言所在殆久已湮沒矣金史

有甯化鎮在城東二十五里以里數言或亦近是然今亦

無此村名祇有蘆花鎮距城三十里道里稍遠存疑可耳

信成漢縣○信成漢縣卽今之清河寰宇記云漢故城在清

河治西北十二里清河與南宮接壤其城北不足十里更

北卽南宮境以十二里之說衡之應在南宮境之董家廟

左近

近訪得此村果有故城遺跡但有南北二門云

明代曾設巡檢司于此蓋清

河城郭沿革最繁爲地不廣而三二十里以內其城之移

徙凡有五處各地志紛如亂絲不卽史志以逐爲詳審卽

矛盾百出竊嘗詳爲剖晰疑竇始渙然以釋所謂清河今

治西北十二里者乃漢之信成在董家廟左近者也所謂

在信成東南二里者乃高齊之清河郡及後周之貝州治

詳

下在南宮南境懸空村左近者也五城中南宮境上凡有

其二所謂清河今治者唐咸通後之貝州治清河郡治及

清河清陽二縣並今之恩州是也在清河東南二十五里者乃漢之清陽縣清河郡及王國又甘陵王國是也在清河東南三十五里者乃漢之厝縣東漢之甘陵縣晉及魏之清河清陽是也以此求之一切各地志之紛冗不決皆砉然以解矣禹貢錐指號爲名著而所圖之信成竟在清河西南蓋用水經注河水篇之說不知此與清水篇之信成自相牴牾是河水篇誤也酈氏攷古往往不盡可據不僮此也後石趙置水東縣於此名水東城亦卽此城舊志古蹟皆遺信成及貝州城疏也

貝州故城○貝州之設始於後周其治移漢信成故城東二里接之輿圖今南宮南境之懸空村左近卽其地也北齊



天保七年移武城縣來治於此是爲此城初設之始並移  
清河郡治於縣周建德六年又置貝州於縣州郡縣並治  
一城隋開皇三年郡廢專爲貝州治六年徙武城還舊治  
又自厝城移清河縣於州郭大業三年罷州仍爲清河郡  
唐武德四年復治貝州六年徙清河治厯亭八年還舊治  
天寶元年又改州爲清河郡乾元二年仍改郡爲貝州咸  
通元年刺史鄭仁凱移治州東南十里卽今之清河縣治  
也貝州城由是永廢清河縣展轉至今舊志皆不列古蹟  
蓋失檢也

堂陽故城○舊志皆載此城云在南宮西二十里按堂陽漢

縣元和志云東北至州六十二里

州謂冀州

寰宇記云州西六

十五里以此定之卽在今治左近南宮西二十里之說殊無依據一統志以爲誤是也恐人疑其扁略故仍錄于此云

王霸寨○在城東南十五里光武自南宮馳赴信都以就任光時不降王郎者唯光及和戎卒正邳彤和戎今甯晉地彤亦會光武於信都而兵力仍苦其單薄光乃發旁縣兵四千人王霸將兵與邳彤合兵於南宮東南列營於此故名王霸寨和戎在南信都在北霸彤列營在甯晉信都之間而後漢書注東觀漢紀皆以和戎爲下曲陽今晉縣以此證之益知其誤

留師村○舊志云在城東南十二里云光武討邯鄲王郎留

師於此而名

曬衣村○在城南十里舊志云光武遇大風雨曬衣於此故名按此與麥飯亭疑爲一事

濁漳隄○唐書地理志南宮縣西五十九里有濁漳隄顯慶元年築一統志亦載之而舊志云舊城南三里有大隄卽古濁漳隄按舊城距城西五十九里之隄絕遠當非一隄舊志所載之隄與漳絳中支爲近城西五十九里卽周家莊之隄與明代喬巖所築號喬公隄者當爲一處前所志漳絳西北支者也舊志混爲一隄疑非一統志又載長隄在縣北直抵冀州此亦據舊志而錄者光緒志則云長隄在縣西北六十里廣數丈唐開元時所築明萬厯元年知

縣喬巖以古隄坍沒爲害乃築大隄口六處各長七丈高廣各二丈小隄口三處各長三丈五尺高一丈明萬曆五年邢侗增修之清康熙己巳因金闕築橫隄一道破壞喬隄大爲害於小周莊經府道踏勘乃知喬公隄公而無私一視同仁判定剗平金闕之隄仍築喬隄邑人周根郃立碑以記始末云據此知濁漳隄長隄均指西北八村之隄殆無疑義隄之在南宮境者雖不過數里而關西八村之利害甚巨故并詳誌如右

蓮花池○光緒志云在舊城儒學前廣數畝澄泓不竭今池壞而陂隄猶存

以上城隍池

扁鵲廟○在縣西二里龍岡之上其村爲扁鵲村元康繼禮  
有扁鵲廟記碑爲康書邢侗謂書雜晉唐雜一二篆隸字  
亦古雅光緒志云居人除土漸平廟與村俱廢

普彤塔○在舊城漢明帝永平十年建唐貞觀四年重修有  
唐時斷碑大耳禪師重建基周三十二武高十仞一統志  
作普同寺正定府志作彤塔書院又定覺塔亦在舊城唐  
貞元時建今跡不存

興福寺○在城內西南隅萬厯志云舊在廢縣治東南隅後

趙石勒所建賜額太和宋太平興國丙子年更名慶和有尊

勝經呪石幢二座宋翰林令史孫元大德己亥至元乙亥

皆嘗重修元末兵燹寺毀僅存其基明更名興福成化辛

卯知縣方中奏設僧會司與廢縣之水月寺同遷此地萬  
厯初寺僧赴南京領印藏經建三藏閣置香火地共一百  
二十八畝云

興福石佛寺○在城西北七里有石佛一尊相傳唐垂拱時  
製又有石板刻佛三十餘嘉慶八年村人修葺有道士崔  
來福能歧黃鍼灸求者如市布施山積取以助修工竣道  
士不知所往一統志載之又城東五十里慈達村有石佛  
寺宋天聖年建

洪濟寺○在城西二里宋皇祐四年建明宏治五年重修有  
石刻千佛款識訓導袁澤碑記尙存寺久廢一統志據舊  
志載之

報恩寺○在城東南三十里高村唐貞觀十四年建宋太平興國年重修明正統再修明修殿宇早圯民國五年有游方僧來重建二殿

鎮覺寺○在城東四十里蘆花鎮金大定四年僧智玘建賜名大覺院明成化十八年重修僧明澈有記

重興寺○在城東南四十里孫村元至正戊午重修明宣德庚午再修宏治二年僧明澈有記

普明寺○在城西南三十里天宮村金大定十八年特賜院名比邱希選有碑記清康熙初重修

定覺寺○在城內東北隅本在廢縣內有隋開皇十一年碑萬曆志邢侗所謂尼寺碑文章篆隸足稱三絕者卽此碑

南宮縣志 卷二  
也萬曆三十三年關宗移建今城內東北隅俗名大庵

麥飯亭○在舊城漢光武至南宮遇大風雨馮異抱薪鄧禹  
蒸火光武對竈燎衣馮異進麥飯卽此地後人爲立此亭  
嘉靖萬曆志作大風亭一統志據州志作麥飯亭光緒志  
疑大風之名殆牽合漢高大風臺而附會者今按大風亭  
多見地志蓋以遇大風雨而藉以爲名不必附會大風譌  
也

駐驛亭○明成祖南征以大兵未整自東昌回鑾取道南宮  
憇舊縣西關王廟駢野人昇肩輿而北知縣胡廷召於廟  
前建亭今在大風亭內爲漢世祖明成祖並立雙碑云

以上寺廟亭塔



唐張顯祖墓○在縣西北七里石佛寺顯祖爲本縣功曹參見人物

張昌齡墓○昌齡載唐書文苑傳一統志云墓在縣西北七里古碑在石佛寺後與顯祖墓爲同地疑一統志誤以昌齡爲顯祖也姑志於此俟考

元張晉亨墓○在縣東南七十里崔村有翁仲石器晉亨官懷遠大將軍淄萊路總管見元史詳名績列傳正定府志謂岳飛贈紫巖先生詩卽其人以晉亨傳核之決非一人舊志皆錄之誤

張演墓○在縣西北二十里杜家莊東贈東平路總管清河郡侯墓碑柳貫撰

張國維墓○同上

晁政墓○在縣東南六十里高莊至元庚寅立有石器碑文  
猶存政世祖時爲嘉瑞義軍千戶

郭儀墓○在縣東四十里慈達村有石器碑文儀官眞定路  
捕鷹坊總領今已漚

明白恭敏公墓○恭敏名圭事蹟載明史墓在縣東七十里  
白塔村墓係成化十一年諭葬夫人秦氏孟氏祔諭祭碑  
存

白文裕公墓○文裕名鉞恭敏子正德五年諭葬夫人李氏  
祔碑存

白公墓○誥贈工部尙書恭敏之父名友諒成化三年諭葬

夫人郭氏何氏祔以上均在白塔村人物篇均有傳

孔環墓○在城西北五里大趙莊

西華縣志

劉錫墓○在縣東二十里劉家河溝村

西華縣志

劉汀墓○同上

西華縣志

劉濂墓○在縣東二里小劉家莊村東三百步

西華縣志

張庚墓○在縣東八里趙明橋西南里許

西華縣志

韓念劬墓○在城東八里琉璃廟念劬贈刑部尙書崇禎四

年諭葬

彭公墓○在城南門外東偏名士宏南宮知縣崇禎十五年

殉難有傳

關宗墓○在縣西北五里小邢莊西

李文熙墓○在南郭外西偏有神道碑

南宮大德寺碑

賈多男墓○在城西十八里蘇村南偏有碑其子穆墓亦附

郭士吉墓○在縣南十八里官莊村前

此為北道古墓

清宋端慤公墓○在城東南三里莊南里許端慤名文運官  
刑部左侍郎康熙二十五年諭葬碑坊皆存

杜鎮墓○在城東南八里孝昌村後有碑

傳後

吳厚庵墓○在東嶽廟之西北厚庵名宜徵南宮知縣塋有

栢樹八株地六畝碑二詳名宦

張光豸墓○在縣北五里舖前有神道碑

福建揭陽司知府

鄭雍墓○在縣南十二里王家屯北二里許梁清標誌銘子

惟孜附

隨地知所

錢榆村墓○在南關東南距三里莊二里許榆村名正園南宮知縣塋有小栢二百株

鮑雲翥墓○在王道寨村東南里許雲翥官副將有碑及神道碑

民國姜登選墓○在陳村西四里許官安徽軍務督辦有神道諸碑

按舊志皆載有侯塚俗名丹朱墓在紫微山上俗云有隧道抵冀縣學宮又有賈侍郎墓在縣西二十里賈侍郎村名字年月俱不詳又郝侍郎墓在縣東南十五里國家旺村凡皆羌無故實士人流傳又近不經本應刪削恐人疑漏略附志於此

南宮縣志 卷二  
以上塚墓

南宮縣志卷二終

邑人李葆光校